



Inatsisartunut ilaasortaq Jens NapätôK', Naleraq
Inatsisartut@inatsisartut.gl

Upernavimmut angallanneq pillugu § 37 naapertorlugu apeqquteqaammut 2026-045-mut akissut

Asasara Jens NapätôK'

Dato: 07-04-2026
Sagsnr.: 2026 - 5184
ID. nr.: 80626502

Inatsisartut suleriaasianni § 37 naapertorlugu Upernavimmut angallanneq pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1. Naalakkersuisut ukiut kingullit tallimat ingerlaneranni Upernavimmut aammalu Upernavimmit Dash 8-inik timmisartuussinerit qanoq amerlassuseqartarsimanagerat pillugu nassuiaateqarsinnaappat, ukiumut ataasiakkaanut aammalu aqcutinut immikkoortillugit?

Akissut: Aallarniutigalugu oqaatigineqassaaq, Upernavimmut aamma Upernavimmit timmisartup angallavia niuernermik tunngavilimmik angallaviummat, taamaalillunilu qanoq akulikitsigisumik/akuttutigisumik aallartoqartarnissaa Naalakkersuisut toqqaannartumik aalajangersarneq ajorlugu. Tamanna pillugu apeqqut Air Greenlandimut saqqummiunneqarpoq, akissutaalu tulliuuttumi issuarneqarluni:

"2020-2022-mi angallanneq Coronap tuniluunneranit sunnertisimammat, piffissaq taanna nalinginnaasumik angallattarnermik takussutissiingilaq.

- 2023-mi DASH-8-t Upernavimmut tikittut katillugit 227-upput, agguaqatigiissillugu sapaatip akunneranut tikittut sisamat.
- 2024-mi DASH-8-t Upernavimmut tikittut katillugit 223-upput, agguaqatigiissillugu sapaatip akunneranut tikittut sisamat.
- 2025-mi DASH-8-t Upernavimmut tikittut katillugit 151-upput, agguaqatigiissillugu sapaatip akunneranut tikittut pingasut."

Apeqqut 2. Upernavimmut aammalu Upernavimmit timmisartuussinerit ikilinerannut suna pissutaava?

Akissut: Apeqqut Air Greenlandimut saqqummiunneqarpoq, akissutaalu tulliuuttumi issuarneqarluni:

"Air Greenland suliffeqarfittut allatuulli tuniniakkat piumaneqarnerinut naleqqussartarpai.

2023-mi nunap iluani Dash-8-nik timmisartuussinissatut pilersaarutigineqaqqaartut 63 %-ii Air Greenlandip timmisartuussivigai, 2024-mi 62 %-it, 2025-milu 65 %-it. Upernavimmut tikittut ikilinerini angalanissat piupmaneqarnerinut naapertuupput.”

Apeqqu 3. Dash 8-inik timmisartunik ingerlatsinermi pisinnaasatigut unammillernartut (ilanngullugit aserfallatsaaliuinerit, teknikkikkut ajornartorsiutit imaluunniit timmisartut atorneqartarnerisa aaqqissuussaanagerat) Avannaani timmisartuussinerit akulikinnerannut sunniuteqarsimanerat pillugu nassuiaasoqarsinnaava?

Akissut: Apeqqu Air Greenlandimut saqqummiunneqarpoq, akissutaalu tulliuttumi issuarneqarluni:

”Naamik - timmisartuussinerit ikilinerini, angalanissat piupmaneqarnerisa ikilinerinik patsiseqarpoq.”

Apeqqu 4. Naalackersuisut ukiuni kingullerni tallimani Upernavimmut aammalu Upernavimmit nunatsinni iluani timmisartumut billetit agguaqatigiissillugu akii pillugit nassuiaateqarsinnaappat?

Akissut: Apeqqu Air Greenlandimut saqqummiunneqarpoq, akissutaalu tulliuttumi issuarneqarluni:

”Niuernerq eqqarsaatigalugu, angallavinni niuernermit tunngavilinni agguaqatigiissillugu akit Air Greenlandip paasissutissiissutigissangilai.”

Apeqqu 5. Nunatsinni, pingaartumik Avannaani, timmisartukkat angalanerni akit qaffakkiartornerannut suna pissutaasimava?

Akissut: Apeqqu Air Greenlandimut saqqummiunneqarpoq, akissutaalu tulliuttumi issuarneqarluni.

”Ingerlatseqatigiiffiup aqussinnaanngisaanik Air Greenlandip aningaasartuutai annertuumik qaffapput. Ingerlatseqatigiiffiup isertitaqarnissaminik pisariaqartitsinerata saniatigut, bilitsit akiinut pissutsit sunniuteqartut arlaqarput. Pissutaasinnaasut tassaapput

- Orsussap akitsornera.
- Kinguaattoornerni, taamaatitsinernilu aningaasartuutit (piffissaq eqqorlugu timmisartuussinnginnermi aningaasartuutit). Assersuutigalugu 2025-mi nunap iluani timmisartuussinissaraluit silamik patsiseqartumik taamaatinneqartut amerlapput, piffissarlu eqqorlugu timmisartuussinnginnermi aningaasartuutit angalasup ataatsip bilitsiata akiata 15 %-it missaralugit. 2025-mi piffissaq eqqorlugu timmisartuussinnginnermi angalasumut ataatsimut aningaasartuutit, 2023-mut sanilliullugit marloriaat sinnerlugu amerlanerupput.
- Mittarfimmi akitsuutit allanngorneri.
- Akissarsianut aningaasartuutit.

- Ingerlatseqatigiiffiup isertitaqarnissaminik pisariaqartitsinera."

Apeqquut 6. Naalackersuisut isumaqarpat akit aammalu timmisartuussinerit akulikinnerat Upernavimmi aammalu Avannaani innuttaasut naapertuuttumik angallanneqarsinnaanerannik aammalu nuna tamakkerlugu ataqatigiissutsimik qulakkeerinninersut?

Akissut: Nikissinnaaneq, ataqatigiinnerlu Upernavimmi aamma Avannaani innuttaasunut aalajangiisuummat, aammalu naleqquttumik, akulikitsumillu timmisartumik angalasinnaanerit sumiiffinni taakkunani isumalerujussuusooq Naalackersuisut isumaqataapput.

Upernavimmut, Upernavimmiillu angallavik niuerneramik tunngavilimmik angallaviummat, niuernerq eqqarsaatigalugu akit, qanorlu akulikitsigisumik timmisartuussisoqartassanersoq Air Greenlandip aalajangersartarpar. Taamaalilluni pissutsinut taakkununga Naalackersuisut toqqaannartumik sunniuteqanngillat.

Tamanna pillugu amerlassutsinik, akinillu naleqqussaannermi angallavimmik ingerlatsinermi niuernermi atugassarititaasut, matumani aamma piumaneqarnerat, piginnaasat, ingerlatsinermilu aningaasaqarneq eqqarsaatigineqassapput.

Tamanna pillugu ineriartorneq Naalackersuisut qanimut malinnaaffigissavaat, soorluttaaq Upernavimmi, Avannaanilu naleqquttumik aamma patajaatsumik timmisartuussinermut annertuumik allannguisoqarpat Air Greenland oqaloqatigissagaat.

Apeqquut 7. Naalackersuisut eqqarsaatersuutigisimavaat kiffartuussinermut isumaqatigiissutit imaluunniit taarsiissuteqartarnermut aaqqissuussinerit nukittorsarneqarnissaat, Avannaani patajaatsumik ingerlatsisoqarnissaa aammalu akit naapertuunnerusut qulakkeerniarlugit?

Akissut: Innuttaasunut, matumani aamma Avannaani patajaatsumik sullissinissaq, akillu naleqqunnissaat qulakkeerumallugit kiffartuussinissamik isumaqatigiissutit, taarsiissuteqartariaasiusinnaasullu qanoq aaqqissuunneqarsinnaanersut Naalackersuisut ataavartumik nalilersortarpar.

Sumiiffinni naammattumik angallassisoqarsinnaanissaanik niuernermi atugassarititaasut kisimiillutik qulakkeerisinnaatinnagit, inuiaqatigiinni pisariaqartumik angallassinikkut kiffartuussinissaq tapersersussallugu kiffartuussinissamik isumaqatigiissutit siunertaqarput. Tassunga atatillugu pilersuinerup isumannaatsuunissaata, pitsaassutsip, aningaasaqarnikkullu akisussaassutsip akornanni naleqquttumik oqimaqatigiissitsinissap qulakkeerneqarnissaanik pisariaqartitsineq Naalackersuisut eqqumaffigaat.

Kiffartuussinissamik isumaqatigiissutinut atuuttunut sinaakkutit Naalackersuisut ataavartumik nalilersortarpar, tassungalu atatillugu ingerlatsinermi misilittakkat kiisalu angallasseriaatsit aamma piumaneqarnerisa ineriartornerat ilannguttarlugit. Kiffartuussinissamik isumaqatigiissutit imaluunniit taarsiissuteqartariaatsit naleqqussarneqassagunik angallannermut, aningaasaqarnermut, ingerlatsinermullu tunngasut ataatsimut nalilersorneqarnerisigut kiisalu aningaasatigut sinaakkutit atuuttut iluini tamanna pissaq.

Naalakkersuisut suliamik suliaqarnerminni nuna tamakkerlugu, matumani aamma Avannaani patajaatsumik, ataqatigiittumillu angallassinikkut kiffartuussinerup qulakkeerneqarnissaa suli ukkatarissavaat.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Aqqaluaq B. Egede